

bonnement pour un an

350 Piastres

Edition spéciale. 500 ptrs.

Adresse :

« Idjtihad » Constantinople

Téléph. St. 865

XXIII ème ANNÉE

15 Janvier 1928, No 244

اجتهاد

علمی، ادبی، اقتصادی، صناعی، صحی مجموعہ

آبونمان : سنہ لکی [24 نسخہ]
تورکیا ایچون 2 بچق، خار ج ایچون
3 بچق، اعلا کاغذ ایسی 5 لیرادر.

ادارہ خانہ سی :

جفال اوغلندہ « اجتهاد ٹہوی »

تلفون : استانبول ۸۶۵

یکرمی اوچنچی سنہ

نومرو ۲۴۴-۱۵ کانون ثانی ۹۲۸

وزمانه هیچ بروقت قیمتدن دوشمه یه جگنی کورویوروز. استاد شاعرک بوتون اثرلینی داهای فضله تدقیق ایتمک ایچین «اجتهاد» ک سستونلری کافی دکیلدر. بو مختصر یازمزله قارئرمزه بوبویوک متفکر حقیقه اوافق بر فکر ویره بیلد کسه کندیمیزی بختیار عد ایدرز. مودا ۱۹ کانون اول ۱۹۲۷ لاطم سونج

اغتجه فلسفه - اسماعیل فنی بک

سویله مه یه حاجت یوقدر، ظن ایدرز. اسماعیل فنی بکک بالذات کندیمی طرفندن حکایه ایدیلن بو نقطه یی ذکر ایتمکدن مقصد منر عائله نك تحصیله ویردیکی قیمتک یوکسکلکنی کوسترمکدر.

لغتجه فلسفه طقوز یوز کسور صحیفه لک و ای کاغد اوزه رینه باصیلمش بیوجک قطعه بر کتابدر. کتابک مکمل و نقایص سز اولماق ادعاسی یوقدر. کتاب لغتجه فلسفه در. فلسفه قاموسی دکلددر.

اسماعیل فنی بک، چوقیکی زمانلرک ابداع ایتدیردیکی بعضی تعبیرلری نظر اعتباره آلامش در. بونی بیله رک یامش اولدینی شهبه سزدر. Transcendental تعبیری خایی زماندنبری متعالی و Transcendant متعال، Collectif کله سی معشری، و Collectivité کله سی معشریت کله لریه ترجمه ایدلمکده اولدینی حالده صاحب تألیف بونلری قید ایتمه مشدر. فلسفه اجتماعیه ده مهم یری اولان gregaire کله سی ده هیچ قید اولونما مشدر. Déontologie کله سی تلفظ اولونور اولونماز بو کله نك ذهنه وارد اولاجاق ایلمک معناسی علم آداب اطبا اولدینی حالده کله نك بو معناسی ترک اولونما مشدر.

Professeur Dr. tienne Martin

ک

Précis de Déontologie

اسمعی و مکمل بر کتابی وارد، که طبع ایدلمکده و قریباً طبی ختام بولاجاق اولان (مفصل و رسملی آداب معاشرت رهبری، عنوانی کتایمزلک اطبا بختی ایچون بو کتابدن استفاده ایتمکده یز. بوندن باشقا فقط داهای اسکی Déontologie لر وارد. Sadisme کله سی کی

(برهان قاطع) صاحبی وقاموس مترجمی عاصم افندیدن و داهای یکی اولارق شمس الدین سامی بک مرحومدن سوکره بویوک صبر، بیوک قدرت دوام استازام ایدن اثرلر مبدعی چوق آزالدی.

ایکی سنه اول عزیز و فاضل دوستم حسین کاظم بک افندینک آلتی بیک بویوک صحیفه لک تورک لغتی تجیل ایده بیلمشدک. بو کتاب معارف و کالتی نك همتیه طبع اولونما یه باشلامش و شیمدی یه قادر یتیم سکسان قادر فورموسی باصیلما مشدر.

بو سنه، بیوک بر علم عشقی و بویوک بر ارادت بکونی ایله زنده و زنده دار اولان محب فاضلمز اسماعیل فنی بک افندینک (فرانسزجه دن تورکجه یه لغتجه فلسفه) سنک انتشار ایتیمش اولدینی قارئرمزه خبر ویره بیلماکله مسعودز. اسماعیل فنی بک کندی کندینک استاد و شاکردی اولان فضلامزدن در. فرانسزجه یی، انگلیزجه یی همان همان معلمسز اوکره نمش و بولسانلرده یازیلان اثرلری لایقیه اکلایاجاق قدرت کسب ایتمشدر. صدر اسبق سعید پاشانک آچدینی لسان مکتبته دوامی چوق سور-مه مشدر. چونکه سلطان عبدالحمیده بو مکتب حقیقه ویریلن بر جورنال اوزه رینه مکتب قاپاتیلما مشدی. اسماعیل فنی بک (طرنوه) نك اصیل وزنکین بر تورک عائله سنک چوجوغیدر. باباسی عامک قیمتتی چوق تقدیر ایدن کزیده روحلردن اولدیندن اسماعیلجیکی اوشاق صیرتنده مکتبه کوندرمه یه باشلامشدر. بر چوجوغنک مکتبه بو قادر ایرکن باشلاتیلما سنی اصلا تحسین ایتمه. دیکمزی و بو قادر ایرکن دماغی خدمته قوشمانک چوجوغنک استقبال عقلی و دماغیسی ایچون هیچده ای اولما دینی

تعبیرینک افاده ایتدیکی معنای افاده ایتمه مشدر. غوورنمان روبره زانتانیف *gouvenement parle netaire* مترادف دکلدزر. و ره زانتانیف حکومتمده، ملت باش و کیلی و دیگر و کیلاری مبعوثنک خارچندن آلابیلر و اوزمان حکومتک قوه جرائیه سی ملتی تمیل ایدر. پارلمنته حکومتلرده دوره انتخابیه بیتمه دن افکار عمومیه باش و کیلی و یادیگر بر و کیلی دکشیدیره من. غووه زنمان روبره زانتانیف تمیرینی ترجمه ده، ز دخی (بر ذکای فیاض) ده عینی ذهوله دوشمشدک. بر (ذکای فیاض) قارئلرینه بوسیله ایله اعتذار ایده رز و بو صورتله تصحیحی رجا ایده رز. هیچ بر زمان بر اثر بشری وحی بر اثر الهی دفعه اکمل اوماناز، محترم فنی بکک هتی مشکوردر. کتابی نافعدر. دارالفنون بونی طبع ایتمهکه یرنده بر فدا کارلق یامشدر. فلسفیه دائر کتابلر من هیچ یوق کی در. بوقیظلمقدمه فنی بکک کتابی بر نعمتدر. یاقینده ایکنجی و متوسع طبعی کورمه بی تمی ایده رز. او زمان یالکز تعبیرلره انحصار ایتمه یوب کتابک حکما اسملرینی و سلاک فلسفیلرینی ده احتوا ایتمه سنی تمی ایده رز.

سنه لردن بری کتابلرندن باشقا هان هان هیچ اینسی بولونمایان اسماعیل فنی بک حقیقه بر Sage بر عارف حیاتی یاشایان بر اهل ایمان در. ایمانی خالص و خلوص و صمیمیتده اونکله قارداشلغمن واردر.

صمیمیت قادار دواملی و صیجاق قارداشلق و دینداشلق ساحه سی یوقدر. برچوق سنه لر اول صمیمیک سنسین بنم دینم یا خود الخادم ای هر دینده دینلیری دینداش یاپان هیجان؛ بوزلر اخلاص آتشیله آربر و لور بر عمان، جان دوستمدر اخلاص ایله بانا دشمن اولاق جان. دیدیکمز زمان آنجاق بونی افاده ایتک ایسته مشدک. محترم اسماعیل فنی بکی و دارالفنون ادبیات فا کولته سنی یورکدن تبریک ایتک اهل اخلاصک بورجیدر. بز بو بورجی ادایه مسارعت ایدیوروز.

31 کانون اول 1927 اجتهاد نهوی

ع.ع.م.

پسیقولوجیای مرضیه عائد و هر حاله فلسفه حوضه سنه داخل کله لری آلامشدر.

Intuition کله سنه اوزون و مصیب ایضاحلر تخصیص ایتمشدر. فقط نه دارالفنونک قبول ایتمش اولدیی «حس» کله سنه نه ده بز اونا ترجیح ایتمهکه اولدینمز تفرس کله سنه التفات ایتمه مشدر. بز *Intuitive* کله سنی فراسی کله سیله ترجمه ایتمهکه و بو تفراس و یا فراست کله سنی *Intuition* ک نام مقابلی کورمه کده بز. تفرس جان کوزیله کورمکدر. و بو کوروش آنلرده بک بارز اولدیغندن «فرس» نه نسبتله تفرس کله سی یاپیلامشدر. آنده تخطر فعلی صاعقه وی بر صورتله جاری در. بو خصوصده بعض شخصی مشاهده لر من واردر. و صیره سی کلنجه یازا جاعن. جان کوزیله کوروش ضایه ورنکه محتاج دکلدر. حالبوکه جسم کوزینه بونلر لازمدر. نه قارائقدمه کورمه ییلر ز نه ده رنگی اولمایان هوای نسیمی یی کوروروز.

Sage کله سی مقابلمده بز قدیم متفکر لر من عارف کله سنی قوللانمشدر. *Sagesse* معرفه کله سیله ترجمه اولونمشدر.

Sagesse divine ک مقابلی معرفه الله در. *Atovisme* کله سنی بز بوندن سکز سنه اول استیجداد کله سیله ترجمه ایتمش ایدک و دائره انستیمزده مصیب کورولمش و قبول اولونمشدی. بو کله نیک جد دیمک اولان تورکجه «آنا» کله سیله مناسبتی واردر. بیلمم مدرس یوسف ضیا بک دوستمیزک فکری بو بانه نه در؟ *Milieu* کله سنی وسط کله سیله ترجمه ایتک چوقدن ترک اولونمشدر. *Milieu* نیک بزده مقابلی محیطدر. آرتق وسط اجتماعی، وسط جغرافیائی دیموروز. محیط اجتماعی، محیط جغرافیائی دیوروز. اسماعیل فنی بک افندی وسط دهمی بز ترجیح ایتمشدر. فقط محیط استعمالی آرتق بول آلمشدر.

Représentatif کله سنی ایضاح ایده رکن - *gouvernement representatif* کله سنی حکومت نواب ملت، منتخب و کیلار واسطه سیله اجرا اولونان حکومت کله لری یازمشدر. بو کله لر *gouvernement representatif*